

Kado Lang nan

Pou Fanmi

Lang se youn nan kado ki pi enpòtan ou ka bay ptit ou. Men, ki jan ou dwe bay li?

Repons lan senp.

Pale lang pa ou ak ptit ou nan kay la chak jou!



Poukisa lang ou pale lakay enpòtan?

Lang ou pale ak ptit ou a se premye lang nan yo pral aprann. Li se premye koneksyon yo ak ou, epi ak rès fanmi yo, ansanm ak kilti epi kominate yo. Li se lang nan yo te premye itilize pou aprann sou mond ki antoure yo a. Li se lang nan ki ede yo “prepare pou lavi”—epi ou se yon pati santral nan pwosesis sa a! Sa a se youn nan plizye fason ke paran yo se premye pwofesè ptit yo.

Ki benefis ki genyen nan itilize lang ou pale lakay ou?

Itilize lang ki pale lakay ou konekte ptit ou yo avèk fanmi ou. Li founi tou yon koneksyon sou tradisyon kiltirèl enpòtan ou yo, ansanm ak zanmi ak vwazen ki pale menm lang nan. Itilize lang ou pale lakay ou pèmèt ou aprann ptit ou, epi aprann nouvo bagay ansanm. Ou ka pale sou nouvo eksperyans ak mo; ou ka pratike lèt ak chif. Tout bagay sa yo se yon pati enpòtan nan aprantisaj ptit ou yo byen bone—epi li pral vin pi fasil e plis amizan pou ou si ou fè l' nan lang ki pi konfòtab pou ou a.



Men, e pou Anglè menm?

Timoun k'ap viv nan Etazini yo bezwen Anglè pou reyisi nan lekòl ak nan lavi. Erezman, jèn timoun ka vin bileng byen fasil. Yon moun ki pale plis pase yon lang byen gen plis opòtinite pou yo etidye, vwayaje, epi travay—tou alafwa nan Etazini ak atravè lemond. Lè ou pale de lang li ede timoun yo tou bati aptitud pou panse ki plis solid.

Si m' pale enpe Anglè, èske mwen dwe itilize l' nan kay la?

Ou dwe pale lang ou pi konfòtab avèk li a. Si lang ou pale lakay ou a pi fò pase Anglè ou, Lè sa a ou dwe itilize lang ou pale lakay ou ak ptit ou pou devlope ladrès pou lang ki solid.

Èske ptit mwen yo ap konfonn lè yo pale de lang?

Jèn timoun yo ka aprann de oswa plis lang an menm tan. Yo aprann byen vit lè yo gen anpil eksperyans ak granmoun pou yo pale avèk epi koute yo.

Kék fwa timoun yo konbine mo oubyen fraz ki soti nan toude lang yo. Sa a OK! Li ka sonnen tankou yo konfonn, men y'ap aktyèlman aprann règleman yo, epi vokabilè ki soti nan toude lang yo epi klase yo andedan sèvo yo. Sa a se yon siy bon aprantisaj ak panse.

Ptit mwen yo prefere pale Anglè. Kisa mwen dwe fè?

Premyèman, pa enkyete ou. Petèt ptit ou pito Anglè paske se sa tout zanmi yo ap pale. Pale ak ptit ou sou lang. Eksplike ke aprann toude lang yo se yon bagay enpòtan. Pale de tout moun ki espesyal nan lavi yo ki pale lang ou an, ki gen ladan manm fanmi favori ak zanmi yo. Eksplike ke moun ki bileng gen de fwa plis chans pou fè zanmi epi aprann sou nouvo kilti.

Fè lang ou pale lakay ou vin amizan nan li liv, chante chan, ak jwe jwèt ladan; epi sèvi avèk li lè w'ap patisipe nan nенpòt kalite aktivite. Lang ou se yon kado, epi pale li kenbe fanmi ou konekte!

Sonje ke relasyon ou ak ptit ou depann sou lang. Pandan y'ap vin pi gran, komunikasyon ap vin de pli zan pli pi enpòtan. Ou pral' gen konvèsasyon sou yon gran varyete sijè. Sa a pral' pi fasil ak plis amizan pou nou tou de si n'ap pale menm lang nan.

Kisa mwen kapab fè lakay la?

- Rakonte istwa epi li bay timoun ou an nan lang ou pale lakay ou a.
- Pataje rim, chan, chanson, resite pwezi, ou te aprann lè ou te timoun.
- Chèche aktivite amizan k'ap fèt nan lang ou, tankou tan istwa nan bibliyotèk lokal, festival, ak evènman kiltirèl.
- Chèche liv bileng, liv san mo, oswa liv ki nan lang ou pale lakay ou nan bibliyotèk la.



Kèk istwa sou Fanmi ki Bileng

- ¡Gaby está aquí! Un dia loco de palabras mezcladas/A Crazy Mixed-Up Spanglish Day by Marisa Montes
- The Park Our Town Built/El parque que nuestro pueblo construyó by Diana Gonzales Bertrand
- Grandfather Counts by Andrea Cheng
- Dear Juno by Soyung Pak
- Yoko Writes Her Name by Rosemary Wells